

## পথে যেতে যেতে

জামিল হাসান সুজন

স্বপনের সন্ধানে সুবর্ণ সুহাসিনী  
আঁচল পেতে কুড়িয়ে নিয়েছিল সুতির শৈবাল  
পথে যেতে যেতে গায়ে মেখেছিল সূর্যের উত্তাপ।  
কন্যা, কি দুঃখে কি কষ্টে ছুঁড়ে ফেলে দিলে  
এত দিনের মমতায় জড়ানো সম্পদ;  
খুব কি বেশি মেকি ছিল এ জীবন  
খুব কি বেশি সাজানো ছিল এ নাটক  
খুব কি বেশি পাতানো ছিল এ সংসার?

হারিয়ে যাওয়া এতই সহজ?  
অতি যত্নে গড়ে উঠা টুকি টাকি  
হৃদয়ের সম্পদ নষ্ট করতে নেই গো!

তোমায় খুঁজে পাওয়া বড়ই কঠিন কাজ;  
ঝিলের ধারে নদীর পাড়ে অন্তরীক্ষে  
কোথাও না কোথাও পাওয়া যাবে  
জীবনের নোনা স্বাদ।

বিদায় নেওয়ার আগে কদমবুসি করবে না  
বট বৃক্ষের প্রান্ত ছুঁয়ে?  
কথা দেওয়ার আগে কেন ভুলে গেলে  
প্রতারণা আর ছলনার বিষ দংশন?

আশীর্বাদ করি তুমি যেন খুঁজে পাও  
দিগন্তের ছোঁয়া, রূপালী ইলিশ  
আর সোনালী সাম্পান।

জামিল হাসান সুজন, ক্যাম্পসি (সিডনী), ২২ এপ্রিল ২০০৬